

423  
1872/3

# ცისკარი.

1872

სეკცემბერი.

წელიწადი მეთექვსმეტე.

წოდებათსსულებათა:

- I, — „ცისკრის“ რედაქციისაგან.
- II, — მ.—ას. (ლექსი) ი. კერესელიძისა.
- III, — უკრაინის დიპლომატები (მოთსრობა — ნათარგმნი). ივ. კერესელიძისა
- V, სსჟა ზ სსჟა ამბავი.

ტფილისს.


მარტირუხიანის ტიპოგრაფიაში.

XIV  
119.

# „ცისკრის“ რედაქციისგან

16.

ვინცა კითხულობს ჩუქნს „ცისკარსა“ იმ წლით-  
 გან, რა წლითგანაც დავიწყეთ გამოცემა, იმას კარგათ  
 მოესხენება, რომ მოძავალს 1873 წელიწადს ეს ჟურ-  
 ნალი გადადგება მ გ ი დ მ ე ტ ე ს წელიწადში, რაც  
 საკუთრივ ჩუქნს კვლთ მძღვანველობით გამოდის; ამას-  
 თანავე ესეც მოესხენება, თუ რა ღირსებითაც გამოი-  
 ცემა, ან რა შრომაც ეჭირება. მართალია, ბევრი ნაკ-  
 ლულევანება ჭქონია, მაგრამ ესეც მართალია, რომ ამ  
 ნაკლულევანების მიხუსი ეოფილა ღონის-ძიება, რად-  
 განც იმდენი კელის მომწერნი არა ჭქოლია, რომ შეს-  
 ძლებიერ ღირსეულად გამოცემა. კიდევაც ჩუქნს მეცა-  
 დინეობას ღ ამასთანავე სასოებას არა ვკარგავთ ღ ვეც-  
 დებით მოძავალს 1873 წელიწადს გამოვცეთ ბევრით  
 უკეთესად. ახლა ამისმეტს ველარას ვიტყვიტ.— ჩუქნის  
 მ გ ი დ მ ე ტ ე ს წლის შრომის ზატვივის-საცემად იმ მამა-ზაზეულის ენისა ღ იმ მწიგნო-  
 ბრობისა, რა წმინდა ქართულის ენითაც იმეზღება





ჟურნალი, — იმედი გვაქვს კელს მოგვიწერენ ქართული  
ენის მიმდევნი ზიზნი, ამითი გაგვაძმსნევებენ, რომ უკეთ  
ვიზრუნოთ სამშობლო ენისათჳს, არ დაუდიოთ არა  
ვითარსა სიშურესა ზე შეცდილებასა.

ფასი საკუთრივ „ცისკრისა“ არის რვა მანეთი  
გაგზავნით. ვისაცა სურდეს ამ ჟურნალის დაბარება,  
ვთსოვ ამ აღრესით დაიბარონ ზე სვედრი ფასიც გამო-  
გზავნონ:

„ცისკრის“ რედაქტორს ივანე კერესელიძეს.

**Редактору грузинскаго журнала „Заря“  
Ивану Кереселидзе. —**

რედაქტორი ზე გამოძეველი ი. კერესელიძე.  
ტფილისს.

1872 წელს. სექტემბრის 25-სა.

---

## მ.—აღ.

---

შემიუვარდა ეგ სმა ტკბილი,  
დაჭკა გრძნობით დაირასა,  
თუ ხარ საქართველოს შვილი,  
ნუ მომაკლებ მაგ ტკბილს სმასა.

---

მაგა სმამან სანეტარომ,  
მომიმატა მწუსარება,  
მასში ისმის სევდიანი,  
ჩემის ქვეყნის მდგომარება.

---

მამა-პაპათ ეგ მაგონებს,  
ეგ მიწურულებს ტანჯულს გულისა,  
ეგ არის რომ წარმომიღვენს,  
ჩემს სამშობლოს დანაგრულსა.

---

ტურფავ დაჭკა, დაჭკა გრძნობით,  
შემოსძასე ქართველურად,

დაჭკა, მაგ სმას მსურს დაუბკლ,  
მსხვერპლად, თაჳი ჩემი სრულად.

---

შენმა მღერამ დამადრებლა,  
მომიმატა მწუსარება,  
მასში ისმის სევდიანი,  
ჩემი ქვეენის მღვომარება!

---

ი. კერესელიძე.

1872 წელსა ფებერულის 18.  
ქ. ტფილისს.

# უკრაინის დიპლომატები

(მოთხრობა — ნათარგმნი).

როგორც მახსოვს, იუნისის თვის ოც ოც ერთი რიცხვი ანაფორით შესანიშნავი არ არის. არც ბუელს, არც ახალს; არც საქვეენო ოც არც ჩუჭნის ქუჭუნის ისტორიაში, მაგრამ ეს რიცხვი ათას რვა ას ოც ოც თორმეტსა წელსა, შეიქნა დიდად შესანიშნავი დღე. ამ სამარადისოდ დაუვიწვარს რიცხვში, სწორეთ იქნებოდა ოცი მინუტი თორმეტის საათისა, თითქმის შუადღისას, მოწმენდილს ოც მორაკრაკებულს მზიანს დღეს, იქნებოდა სწორეთ ოცი გრადუსი სიცხისა, ეზოს ბატები ნიკიფორე ომელიანოვიჩის ტარუნკევიჩისა, გადავიდნენ თავის ჰატრონის მამულის სამხდვარს გარეთ ოც დაიწვეს სიარული იმ მინდორზედ, რომელიცა ეკუთნოდა კირილე ჰეტროვიჩის შვაკსა. საკვირველი ეს არის, ეს ბატები არცა ვის დაურიგებია, არცა ვის უსწავლებია ოც არცა ვის გაურეკავს, მხოლოდ თავიანთ

თავად ჩაიდინეს ეს უწესო საქმე. ეს ბატები, თეთრი თუ ნაცრის ფერი, დედალი თუ მამალი. სულ ერთიან იქნებოდნენ ცამეტნი. ეს ბატების დანაშაული ისე ჩაივლიდა, თუ რომ ბატებს არ წაესდინათ ის სხული, სადაცა დათესილი იყო შვრია; მიივლიდნენ, მოივლიდნენ ზე ისევე დაუბრუნდებოდნენ, თავის ჰატრონს; ან ვინ შეიტყობდა, ან ვინ გაიკებდა, ისე ჩაივლიდა ის საქმე ზე საისტორიოდ არ დარჩებოდა, მაგრამ განცუბას სულ სხუა ფრივ უნდოდა.

უველამ ვიცით, რომ ბატი უეუქი ფრინველი არის; იმას სრულებით არაფრის გაგება არა აქვს ზე ამისათვის საიდან ეცოდინება სხვის საკუთრებას რა ძალა აქვს; მამულის მკატრონეების დავისა ხომ სრულებით არა გაეგებათრა. ეს ცამეტნი ბატები რომ გადავიდნენ კირილე ჰეტროვიჩის შვაკის მამულზედ ზე რომ დანახეს მწკანეთ მობიბინე შვრია, აბა ჭა! დაესივნენ ზე უწვალოდ გაჰარსეს. ამ ბატების საუბედუროდ, მადიანად ჭამაში რომ იუვნენ, გამოიარა კირილე ჰეტროვიჩის შვაკის მოურავმა, რომელმაცა რამწავს დანახა ბატები, მაშინათვე მორეკა თავის ბატონის ესოში. კირილე ჰეტროვიჩმა მაშინათვე შეიტყო ეს ანბავი ზე რადგანაც ხოლერიანის აკებულება ჭქონდა, როგორც დარწმუნებული იყო კალენდარით, სადაცა მოეძებნა თავისი დაბადების ვარსკვლავი, გაწერა, განჩხლდა, იჯავრა, სრუ-

ლებით არ წარმოუდგა ფიქრათ, თუ ბოლოს ამ საქმეს რა შეუდეგობდა ზ უბძანა ეს ცამეტივე ბატი დაეკლათ ერთად... დიახ, სწორეთ, ის ცამეტივე ბატი დააკვლევინა, რომელნიცა ეკუთვნოდნენ ნიკიფორე ომელიანოვიჩის ტბრუნკევიჩის. საწყალი ბატები! დაუვიწყარი იქნება ეს ოც ზ ერთი რიცხვი ივნისის თვსა... მაგრამ არც კირილე ზეტროვიჩი შხაკი დაივიწყებს ამ დღესა... აი ამ საქმიდგან შემდგომში რა წარმოდგა:

ამ დღის შესანიშნავის დღის, მეორეს დღეს, რა შეიტყო ნიკიფორე ომელიანოვიჩმა ტბრუნკევიჩმა თავის ბატების უბედური ამბავი, მაშინათვე აუიღვინა სამი თაბასი ათ შაურიანი ღერბოვის ქაღალდი, დაწერა საშინელი გრძელი არხა, ვრცლად აღწერა საქმის ვარემოება, მოიხსენია, რომ ახლო შესობელი მამულებისა, კირილე ზეტროვიჩი გვარად შხაკი, აწუხებს მას, ტბრუნკევიჩის, როგორც მცირე მამულის ზატრონსა ზ ამღევს სსჟა ზ სსჟა შეუსაბამოს შეურაცხებასა: ეოველ წლივ, ეოველ თვეს, ეოველს დღეს ზ ეოველს საათს; ბოლოს აღწერა, თუ როგორ დაარბივა, თავისის მძლავრობით როგორ წაართო ცამეტი ბატი ზ შეუბრალებლად როგორც დააკვლევინა. რასაკვირველია ესეც დაუმატა, თუ რამდენი მოშენდებოდა ამ ცამეტითგან ათის წლის განმავლობაში, ან ხორცს როგორ გაჰყიდდა, ან რამდენს კვერცხსა, ან ბუნბულს ზ ფრთასა კალმებისათვის,

შეადგინა ფულათ ჯამი ზე ამ სახით შეიტანა სუდში  
საჩივარი.

ნუ გეშინიან მკითხველო, არც კირილე ჰეტროვი-  
ჩმა დააკლო. ამ საჩივრებში ის უფრო გამოქნილი  
იყო. ეს რომ ვაიგო, მაშინათვე იეიდა ექვსი თაბასი  
ღერბოვის ქალაღდი იმავე ღირსებისა ზე დაწერა არზა,  
უფრო იმახედ საშინელი, როგორც დაწერა ტბრუნ-  
კევიჩსა. აქ აღწერა იმან ვრცლად, თუ რა შეუსაბამოდ  
მოაზერობია მას ტბრუნკევიჩი, თუთ იმისი მოსამსა-  
ხურენი ზე ბოლოს ისე გაუსადეს საქმე, რომ ბატებმაც  
კი აიკლეს ის, დაარბივეს ზე რაც რამ იმ წელიწადს  
შვრია დათესილი ჰქონდა, სულერთიან გაუძოვეს, მრ-  
თელი ოცი დღის მიწა. ათის წლის განმავლობაში  
რასაც შეადგენდა ანუსსა თავისის სარგებლითა, ასე  
რომ ამისი სარალი ორჯელ მეტი შესდგა, ვიდრე  
ტბრუნკევიჩისა.

აბა რასაკვირველია, რომ საქმე გასურდა. დაიწვეს  
გამომიება, შემოწმება, გაჩხრეკა, გამოჩხრეკა; ამას გარ-  
და, ვინც მოღავე ჰირი სუდს გაიწვევდა ადგილობრივ,  
ან საღილებს გააკეთებდა, ან მოწმებს დაბარებინებდნენ,  
უნდა თუთან ესარჯა; ქალაღდების მიცემით, გამომიე-  
ბით, კითხვით, გამოკვლევეით, ისეთი დიდი საქმე შეს-  
დგა, რომ ორი კაცი ვერ ასწევდა, ბოლოს ეს ამდენი  
საჩივარი, საქმის უკან დევნა ზე ფულების სარჯვა,

ორივე მოღვაწე ზირებს მოსწეინდათ, ან როგორ არ მოსწეინდებოდათ რომ, 1837 წელიწადში, ჯერ კიდევ მოსამართლეებს ცნობაში ვერ მოეყვანათ ვერც ერთის მხრის ზარალი, ვერც მეორისა. ამდენმა სუდის ადგილ-ლობრივ მისვლა-მოსვლამ, იმათმა სადილების გაკეთებაში, მოწმებზედ ხარჯმა, რომ ძრეულ შეაწესეს, მეტი გსა აღარ იყო, უნდა თვთონვე მორიგებულყვნენ. ამ მორიგების ლაზარაკში რომ იყვნენ უცებ საუბედუროდ კირილე ჰეტროვიჩის შვაკისა, ნიკიფორე ომელიანოვიჩი ტარუნკევიჩთან მოვიდა ერთი კაცი ზ ურჩივა არ შე-რიგებოდა; ისეთს ასახს არსას დავიწყრო, რომ სულ ერთიანათ რაც რამ ზარალი მოკვლია ამ საქმეზედ შვაკს გადავანდევინებ ზ სასჯელსაც მივაცემინებ, თუ ზოვერჩიათ მე დამიჭერო, ამას ვარღა დარწმუნდა ტარუნკევიჩი, რომ რამწავს ჩემს არსას წაიკითხავს შვაკი, ისე შეშინდება, რომ მაშინათვე მრთელს ზარალს თავისის ნებით მომიცემსო.

სინარულისაგან აღტაცებაში მოსული ნიკიფორე ომელიანოვიჩი ტარუნკევიჩი მაშინათვე ამ რჩევაზედ თანახმა შეიქნა, შეეკრა ზირობით, რომლით მოვალე იყო ამ ზოვერჩისათვის თავისი შრომის ფასი ეძლია, სმა ზ ჭამაც იმისი უოფილიყო, თავის ეკიზაჟით ეტარებინა ზ რაც რამ ხარჯი მოუნდებოდა ესეც ეძლია. არსა დაამხადეს, კელი მოაწეონს ზ მისტეს...



რა შეიტყო ამ არსათგან კირილე ჰეტროფინმა? ჰირველად რომ იმ არსაში იხსენიებს კირილად, რომელსედაც მრავალჯერ შეიტანა საჩივარი, რადგანაც შეურაცხებულ მიაჩნდა; მეორედ ეს შეიტყო, რომ იმაში ეწერა, კირილა ჰეტროფინი, რადგანაც უსაქმო, მცონარე და სარმაცი კაცია, ამისათვის საჩივარი უევარს და რადგან შარებს ეძებსო; ბოლოს როდესაც წაიკითხა არსაში, შაკი გვარად ამისათვის არის, რომ მაკის მამა-პაპებს სსუა საქმე რომ არა ჰქონიათ, შრომებისთვის უღვენიათ, იმათზედ უნადირნიათ, ამისათვის იმათი გვარისანი არიან და ჰკუცად იმ ფინველებისა აქუსთო, მაშინ მოეკიდა ამ შაკს ცეცხლი და მეტის სიანჩხლისაგან რომ ვერა გაიგორა, დააგდო ხელითგან გასუთი, რომელსაცა კითხულობდა, ჩაჯდა კურიერის ტროიკაში და გასწივა ჩერნილოვისაკენ; თუმცა დახარჯა ბევრი ფული, მაგრამ იმან მოქექა მრთელი მალოროსის არსივის ქალაღდები, დამტკიცებებები, დოკუმენტები, თუ ვინ იუენენ ძველად შაკები, როგორ დიდებამი იუენენ გეტმანების დროს და რა მიხუსით მისცეს ეს გვარი, ან ღერბი, რომელზედაც დასატული იყო შრომანი ჰირდია, ეს იუი მომღერალი. ეს დაგვაფიწვდა მკითხველო რომ შრომანს მალოროსიელების ენაზედ, შაკი ჰქვიან. როდესაც ეს შეიწივასი დოკუმენტი იზოუნა, მაშინათვე დაიჭირა ისეთი ჰოფერნია, რომელიცა ჰირ და

პირ არსებს თეთრათა სწერდა; ამას გარდა ისეთი მოქნილი იყო, რომ თუნდა ორმოც ზ ათს წელიწადს დაჟასა სდევდა, ოღონდა ფულები კი გეძლივით, ამ გამოჩენილის ადვოკატის გვარი იყო ხვოსტიკ-ჯმუნტოვსკი.

ამ კეთილის მეოფელმა ადვოკატმა მიჰყო საქმეს კელი. რა დააბრუნებდა ტპრუნკევიჩისაგან მოგონებული ცილები შხაკების გვარის შესახებ, მერე შეხვდა თვით ტპრუნკევიჩის გვარსა ზ რადგანაც ამ გვარის შესაკვალს ასოებში გამოისატება „ტპრუ“ ამისათვის ის ფიქრობდა, რომ იმისი პირველი მამა-პაპანი ცხენების ჯინსისანი ყოფილან, ან მეჯინბეთ ყოფილან ვისიმე ჩათლასა კაცის სახლში, რომ ცხენის გვარი დაქმევა. ნიკიფორე ოძელიანოვიჩმა ეს რომ წაიკითხა, მეტის სიბრახით, ცოტა გაწედა, შუახედ არ გასქდა. ბოლოს კირილე ჰეტროვიჩის ადვოკატმა საჩივარს მიაყოლა შხაკების ახნაურის შვილობის შტო ზ ითხოვდა შეურაცხებით მოხსენებისათვის, ტპრუნკევიჩი სისხლის სამართლისათვის მიეცათ.

ახა ახლა გახურდა აი საქმე! ბატების საჩივრის საქმე ჯერ სანად დარჩა, როგორც საჩივარი უკუნურთ პირუტყვებზედ, — ახლა შეუდგნენ გონიერთ არსებათ საქმის განხრეკასა. დაიწეს წერა; ახლაცა სწერენ ახლის წესებით, კიდევაცა დიდხანსა სწერენ, სწერენ იქა-

შდისინ, მინამ მოდავენი არ შერიგდებიან; არა გვ-  
გონია კი, რომ როდესმე შერიგდნენ, ამისათვის რომ  
საკუთარი სხვა შემთხვევა, უარესი, ანგოვლებს იმათ  
შერიგებასა.

რაც აქამდინ გიანბე მკითხველო, ეს წინა სიტუა-  
ცობა იყო, ამასვე მეტს ჩუქნ იმათ საჩივარს აღარ  
გამოუდგებით; ესეც ამისათვის ვთქვით, რომ ამ საჩივ-  
რებს დიდი დამოკიდებულობა ჰქონდა იმ ანბავებსვე,  
რომელსაცა ასლა გიამბობთ.

კირილე ჰეტროვიჩი შნაკი, სიუმაწვილის დროს  
დიდხანს არა მსახურებდა სამსედროს ნაწილში ზ უფ-  
რო ცოტა ემსახურა აღმორჩევით თავის სასოგადრე-  
ბასა. სამსედრო ნაწილი ამისათვის ძალე დაუტევა,  
რომ შეიტყო ომი უნდა მომხდარიყო ოსმალებთან.  
ბოლოს ორ თვეს სასედატლათ-იყო ზ ორის თვის შემდეგ  
რა გააუქმეს ის ალაგი ზ გამოვიდა რა სამსახურით-  
გან, დაბრუნდა შინ, თავის სოფელში. ამ დროს მშობ-  
ლები დაესოცნენ ზ ის შეიქნა სრული ჰატრონი სამას  
ორმოც ზ შვიდმეტის სულის ემისა ზ მამულებისა. ის  
შეიქნა ნამდვილი აზნაურის-შვილი. შეირთო ცოლი  
კარვის მამულის ჰატრონი, დაადგინა თავის მამულში

წესი, დაიჭირა კარგ ფასად მოურავი ბ სოკოჯერ თითონაც შედიოდა თავის ეკონომიის საქმეში, რასაკვირველია როდესაც დრო ჰქონდა თავის უფალი. თავის უფლების დრო იმას ძრეულ ცოტა ჰქონდა; იმას ძრეულ უეწარდა პოლიტიკა ბ ამ ენის მოსაკლავად უეწდნის უპრავლენიის არსივარის ამლევდა ფას იმ პირობით, რომ რაც წარსულის მრთელის წლის ვედომოსტები იუო, ის გასეთები ვრთად მოეტანა ბ კოსოვებინა. როდესაც წარსულის მრთელის წლის გასეთებს მოუტანდნენ, მაშინ ის შეიკეტავდა კარებს, შევიდოდა თავის „კლანინეტში“ როგორც ის ამბობდა ხოლმე ბ აქ ჯერ პირველად ამ ძველის წლის გასეთებს მოიუწანდა წესში, ნომერს ნომერთან დააწეობა, აკინწავდა ხოლმე. შეჰქეწავდა ბ ამას დიდი დრო უნდებოდა. სხვისათვისაც ვერ შეეკერებინა, რა არის არ წამისდინონო ბ კელ-მეორედ თავში წაცემი არ გამისდესო.

როდესაც ამას სულ გაათავებდა, ახლა მიჰყოფდა კელს კითხვასა. ამ კითხვაშიაც თავისი წესი ბ რიგი ჰქონდა. ჯერ პირველად გადაიკითხავდა დიდის ურადლებით შინაურს ამბავებს, ბ ახალს კანონის დებულებას, ან რაც რამ შინაური ანბავი მომხდარიყო რუსეთში. როდესაც შინაურს ანბავს გაათავებდა, მაშინ მსიარულად შესედავდა თავის ცოლს ბ ეტეოდა: ახლა ჩემო ფენა სტეფანოვნა, სუეველაფერი ვიცდი, ჩემო სულ-

კო, რაც კი რამ მომხდარა წარსულს წელიწადის მრთელს რუსეთში.

— აბა რასაკვირველია ვეკლა გეცოდინება, მიუგებდა სოლიკე ფენა სტეფანოვნა. — არა თუ რუსეთში, რუსეთის გარეთ რაც ანბავებია, ისიც კი იცი.

„არა, ჩემო სულოჯან, ეგ ჯერ არ ვიცი, მაგრამ ამ წლის ბოლოს“ კი ეგეც მეცოდინება, მაგრამ ნუ შემიძლია შენი ჭირიმე.“

შევიდოდა ამ ლაპარაკის შემდგომს თავის კლანი-ნეთში ზე დაიწეებდა კითხვას, თუ რა მომხდარიყო ისპანიაში. ის ძალიან ესარჩლებოდა ახალგაზდა, მცირე წლოვანს ისპანიის კაროლის ქალსა, რომელიცა უნდა გამეფებულიყო; ამ ქალის მოწინააღმდეგები კარლისტები იყვნენ ზე იმათხედ ძრეილა ჯაფრობდა. რა დიდის ეურადღებით კითხულობდა ისპანიელების გარემოებას, უცებ ძრეელ გაწერა ვედომოსტების რედაქტორ-სედ. აი რისათჯს: ისპანიახედ რომ კითხულობდა, ერთს ალაკს შეიტყო, რომ სრისტონოსებს დაემარცხებინათ კარლისტები, ეს დიდად იამა ზე გაესარდა, ბოლოს საფრანგეთში რომ გადავიდა, იქ სულ სსჭასა სწერდნენ ჰარიჟში; კარლისტებმა სრისტონოსცები დაამარცხესო. დაუწყო საშინელი ლანძღვა რედაქტორსა. არა, რათაო, იმასოდა ის, ჰარიჟში რათა ბეჭდავდნენ ამ ცროუ ანბავსა, რატომ ჰირ ზე ჰირ ჩუტნში არ დაბე-

ჭდეს. რომ ძალიან გაცხარდა, არ იყო რომ უვირი-  
ლი შექნა.

„ნუ ჯავრობთ აგრე კირილე ჰეტროვიჩ! არიგებდა  
ცოლი; უკ მეგასეთები სსუა რჯულისანი არიან, მუსულ-  
მანები არიან სულ ერთიან, მარსვაში სორცსა სჭამენ;  
იმათი ფიქრი სულ ის არის, მართლმადიდებელი გაა-  
ჯავრონ, სისხლი წაუხდინონ, განხსლონ, აი როგორც  
ასლა თქუწან, გაგანხსლეს. შეაფურთხე ჩემო სულიყო მაგ  
გასეთებსა!

როდესაც გაათავებდა ისპანიას, ასლა გადავიდოდა  
საფრანგეთში, რომელიცა იმისის აზრით დიდათ ეწე-  
ოდნენ სრისტანოსებსა; მერე სსუა სასელმწიფოების  
ანბავს წაიკისავდა ზ ბოლოს დაბოლოვებდა ანგლიით,  
რომელიცა ეჯავრობოდა, რადგანაც ჩუმათ კარლისტებ-  
სედ იარაღსა ჰყიდნენ. როდესაც პოლიტიკას გაათა-  
ვებდა, მერე განცხადებებს სასელმწიფოს, თუ კერძოს  
წაიკითხავდა რიგრიგით, რა მამულების გაუიღვასედ  
შიდგებოდა საქმე, ამასაც დიდის უურადლებით მოისმენ-  
და ზ სულ ბოლოს შეუდგებოდა იმ განცხადებების  
კითხვას, თუ ვის რა ძალლი დაეკარგა, ვის კატა ზ ამ  
გვარები.

მაფათობით, ამის სწუბედურით გასეთების კითხვა  
მოეძლებოდა კლახინეთში. ფენა სტეპანოვნას დაწესე-  
ბული ჰქონდა, რომ უოველ მაფათს დღეს სასლების

ზოლები ერყვინათ. რადგანც ჰირველად ცოლ-ქმრობის  
 შეყრის დროს ერთმანეთთან ჰირობა ჰქონდათ, ეველას  
 თავისი საქმე გაეკეთებინა სახლში, ზ ერთი მეორის  
 საქმეში არ გარეულებო, ამისათვის კირილე ჰეტროვი-  
 ჩი ცოლის საქმეში არ ერეოდა ზ შაფათს დღეს მრ-  
 თელი დღე რადგანც ზოლებსა რეცხავდნენ ცოლის  
 ბძანებით, ამისათვის თავის კლახინეთს იმ დღეს თვა-  
 ლითაც ველარა ნახავდა. მეტი გზა არ იყო, უნდა აე-  
 კრიფნა თავისი გასეთები ზ, თუ კარგი დღე იყო, ბაღ-  
 ში უნდა წასულიყო საკითხავად, თუ არა ზ, წვიმიანს  
 დღეს, მეტი გზა არ იყო, საღაც დურგლები უშუშავებ-  
 დნენ, იქ მივიდოდა ზ იმათ რახარუხში კითხულობდა,  
 ზ თან უხაროდა კარლისტების დამარცხებასად.

ამ გვარი არეგ-დარევა სახლში, ვერაფრათ იამელო-  
 და კირილე ჰეტროვიჩსა. როდესაც კლახინეთში შევი-  
 დოდა გასეთების საკითხავად, იქ კარებს შეიკეტავდა  
 ზ თავის ცოლს ფენა სტეფანოვნასაც კი არ უშვებდა  
 არასვსით, მინამ ერთს სტატინასცარი არ გაათავებდა,  
 მაგრამ ბაღში ზ სადურგლოში კი თავისუფლად შევი-  
 დოდა სოლმე ცოლი ზ იქ უშლიდა კითხვასა; იმისის  
 ახრით დიდი მიხეხები ჰქონდა სახლის შესასებ რამ  
 მივიდოდა მოსალაზარაკებლად.

ჩვეულებრივ ერთს შაფათს დღეს, რა ადგა დროით  
 ადრიანს კირილე ჰეტროვიჩი, მინამ მოცვივებოდნენ

ზოლის მრეცხავები წელით სავსე ვედრებით, წამოაუღო მოსკოვის ვედრობოვებს კელი, სალათით, ტუფლებით, ეალფადით ჭ შევიდა ბაღში, სადაცა დაჯდა სკამიკა-სედ ვაშლის ხის ძირში. რა დასედა გასეთს, მოულოდნელად ეცა თვალეში სტატია, შესასებ კარლისტების დამარცხებისა. დიდის სიამოვნებით ჭ სიხარულით გადაიკითხა ეს სტატია სამჯერ ჭ ოთხჯერ, მერე იმეორებდა შეპირად; თუ რამდენი კაცი მოეკლათ კარლისტებისა. ამ დროს უცებ წამოადგა თავს ფანა სტეფანონა . . .

ჯერ ასლოს არ მისულიყო რომ ქმარმა თვალი შესწრო იმისაკენ მოვიდოდა ჭ არ იყო რომ შეწუსდა იმის დანასუასედ, რადგანც კითხვას დაუძლიდა. რა მივიდა ცოლი ქმართან ჭ არ მიაქცია რა უურადლება იმის შეკმუსუნილს სასეს, დაუწყო ლაპარაკი!

„სედავ სად მოსულან! მე შენ ხემო სულიყო აკერ ერთი საათია დაგეკებ. მრთელი სასლი გადავაქოთე ჭ ვერ გიზოფნე.

კირილე ზეტროვიჩი რა ადვენებდა თითს გასეთის სტაციას, კითხულობდა“ კარლისტების მსრივ დაისოცნენ . . . მაგრამ რომ ნახა ცოლის არა შორდებოდა, მინამ ზასუესს არ მისცემდა; ესეც გაგზასუსა.

— არა, სად მიზოფნიდი სასლში, რომ ზოლებსა რეცხამენ.



„რას ანობ, სადა რეცხამენ, დღეს დილით ბიჭებს დასმინებოდათ ზე ახლა ემსადებიან გასარეცხათ.

— გამოუელი ზე გავათავე, ახლა უკან აღარას გზით აღარ წავალ, მინამ სულ არ მორჩებიან. მე რე რა გინდოდა ჩემკან?

„მინდა სულიკოჯან საქმესედ მოგელანარაკო.

— როდესაც მე გასეთების კითხვას დავიწეებ, თქუწნ მამინ გინდებათ საქმე. ცოტა დრო მომეცით ჩემო კარგო, რომ ქვეყნისა გავიგო რამე. ესეს არის ომი დაიწეეს ზე როგორც ვხედავ დიდი სისხლის ღვრა იქნება. მოფრჩები ამას, ვნასავ რით გათავდება ზე მე რე თქუწნს საქმეს მოვისმენ.

„კარგია ერთი ღუთის გულისათუხ! აქაო ზე ომი დაიწეესო, აღარაფერს საქმეს უურს აღარ ათხოვებთ. მოიგონეთ — თქუწნი წლოვანება, რაღადღროს თქუწნი ომიანობა არის.

— ოჰ, რა თავს ანეხრებთ გაცსა! მითხარით ზე გაათავეთ, რა საქმე გაქუწნთ ზე თავი დამანებეთ.

„უნა სტეფანონამ ამოიღო ჯიბითგან შუშით წამალი.

„აი ჩემო სულიკო რა, არ ინებებთ ამ წამლის მიღებასა?

— მომიტევეთ ჩემო გულის ვარდო, მე სრულე-

ბით კარგათა ვარ. რას თაუში ვიხლი წამალსა. ან რა წამალია ევა?

„მერე ზ, რაო რომ კარგათა ხართ? ამას რომ მიართმევთ უფრო კარგათ არ იქნებით. განა მეტი კარგად მეოფობა დაგიშლით რასმეს? მერე ეს წამალი ბრჭყვალისა არის. ჰა. მიირთვიოთ!

— მერე სად მადვა ბრჭყვალი? ეს რომ სთქუა კირილე ჰეტროვიჩმა, არ იყო რომ მოვიდა სოლფერიანს მდგომარეობაში ზ განხსლდა. მომიტყვეუთ ფენა სტეუანოვნა, რამ გაფიქრებინათ მრთელის ზ კარგად მეოფის კაცის წამლობა?

„თქუწნი წამლობა კი არ მინდა, მე მსურს რომ უფრო კარგათ იფუნეთ ზ სიმრთელით. აი რა: ამ დილით შკაფს ვაღლაკებდი ზ ამასობაში ეს შუმა ვინოვნე წამლით. სომ განსოვს ჩემო სულიყო, შარშან რომ ბევრი ჰიროგები ვჭამე ერთს ღამეს, ბრჭყვალი რომ დამადვა ზ ცოტა არ გაწუდა ღმერთს სული არ მივაბარე. ღმერთმა უშველოს ივანე ფომინს, ეს წამალი დამიწერა ზ მასანათვე რომ მოგჩიო.

— ეგ თქუწნა გქონდათ ბრჭყვალი, მე სომ არა? თქუწნი იმ ღამეს ბევრი ჰიროგები ჭამეთ ზ მე წუსელების ვასშამიც არ მიჭამია. ამას გარდა, ეგ წამალი შარშანდელი არის, არაფრისთანა ძალა არა აქუწნა, სჯობს გადააქციოთ.

„მაგას რასა ბძანებთ კირილე ზეტროვის! არ მიკვირს თქვენის ჭკუისაგან. ემაგისთანა ჭკვიანი ზ ბრძენი კაცი, მაგას როგორ ანობთ, გადააქციო! როგორ გადავაქციო თქვენ დალოცვილნი, როდესაც რომ ამ ერთს შუბა წამალში ექვსი აბასი არის მიცემული.

— ლამის გონებითგან შემძალთ ფენა სტეფანოვნა. ჯან მრთელს კაცს, სრულებით კარგათ მეოფს მომდგომისარ, გინდა თუ არა წამალი დალიეო, აფსუნია, ფული ტუილად დაიკარგებაო. ძალიან კარგი, ვთქუათ დაულიე, სერე როგორ უნდა დაულიო, ჩაიძი, თუ დვინობი?

„სწორეთ გითხრა, ეგ არ მასსოვს, რეცეფოთიც დაკარგულია, მკონია წასასმელია! თუ არა, მკონია უნდა დალიო. არა არც ეს მასსოვს. დემრთმან იცის არ მასსოვს, თუნდა მამკალი ახლავე, არ ვიცი. მაგრამ, ან რა საჭირო არის ვიცოდეთ ჩემო სულიკოჯან, აქ რა ბევრი არის, სულ ბევრი იუოს, ერთი მიღება; თუ ჩემი სიუჭარული ზ ზატვის ცემა გაქვსთ, ისე გადაულანჯაფთ, რომ ფერცვი გაიკებ. ჭა, ზ, მიირთვით.

— შემობრალეთ ღმთის გულისათვის, ფენა სტეფანოვნა! რა ფიქრში მოგსვლიათ ჩემი მასხარათ აგდება? მე მკონია იმ წალოვანებითგან გამოსული ვარ, რომ თქვენ დაძინებოთ. მე მსურს ჩემის ჭკუით ვიცნოვო. მაგრამ კარგი, მიუიღებ, მაგრამ მითხარი წასა-

სმელის, რომ წასასმელი იყოს ზღვაში, რომ ევლს დამწოდს. თუ გვაფსუსება ფული მიცემული არის, უბრძოლველად, ერთ ერთი ბიჭი დაღვეს.

„კარგი საქმე არის, ბიჭს ექვს-ექვსი აბაზი ვაფლავა, სად არის თქვენნი ჭკუა, რომ მაგას ანობთ?“

— მაშ გამეცალოთ ღმერთის გულისათვის! თუნდა თქვენ დალიეთ, თუნდა მადლს დააღვინეთ, ჩემთვის სულ ერთია, ოღონდა თავითგან მომპოვდით ზღვის გასეთი გამათავებინეთ. ეს რომ სთქვა გაანსხლებულმა, დაიწყო გასეთის კითხვა.

ფენა სტეფანოვნამ ეს ქმრის გაჯავრება დიდად იწინა.

„მაშ ავრე არის საქმე, რომ მადლებს მადრით? მადლიან კარგი ზნეობისანი! ეგ, ავი არა, დიდხანია შევნიძნე რომ ცოლ-ქმრობას გასეთები გირწყენიან; იმას რომ აღარა ფიქრობთ, თუ ცოლს რა იამება!... რა კარგი ზნეობა გეძრებათ, რამდენიცა ბერდებით, იმდენი ზნეობაც გეცვლებათ. ახლოს რომ ვეღარ მოგვარებათ ადამიანი, მაშინვე ვაფრებთ.“

უკანასკნელი სიტყვები წარმოხსთქვა ტირილით ზღვაში მოვიდა შინ, ზოლების რეცხასაც თავი დაანება ზღვაში შინაურ საქმესაც.

ფენა სტეფანოვნა იყო შემძლე მებატონის ქალი. იყო გასწვრილი, როგორც შეეფრება სოფლის წესსა,

იცოდა სოფლიური სასლის მოვლა, კითხვა იცოდა მხოლოდ ღოცვებისა და სამოქალაქო წიგნების კითხვა, იმას დიდ ცოდვით მიახნდა. როდესაც შეირთო ქმრად კირილე ზეტროვიჩი შვაკი, იმას თავში ჩანერგილი იყო ქმრის შიში და სიუჩარული; ის მიახნდა მრთელს ქვეყანასად დიდ ბრძენ კაცად, მაგრამ შინაურ სასლის საქმეში კი, თავის თავს ცოდნაში მალა აყენებდა. როდესაც სასნი შევიდა, ეს სისუსტე უფრო გაუსძირდა და როდესაც ქმარს გაამტყუნებდა შინაურს საქმეში, არ დასედავდა თითონ მართალი იყო, თუ სტყუოდა. მამულების მოვლის საქმეში ცოლი სრულებით არ ერეოდა და რომ ქმარს იანვრის თვეში გხნა, ცოლი იტყოდა, ეგ ჩემი საქმე არ არის, ეგ კაცის საქმე არისო. სასლის საქმეს, მართლად და ერთგულათ აღსრულებდა. ქათმები ჭვეანდნენ ბლომათ, გოჭებს ინახავდა სუქნად, ინდოური და ბატო აგრეთვე ჭვეანდა მრავლით უმრავლესი, ნაღიფებს აკეთებდა ხილითგან ჩინებულს; ბორძს, შისს, მურაბებს, ზიროდებს და სხუას, აკეთებდა მშვენიერად. გატყუებო სოფლებში, რომც და ათი ვერსი რომ მოგვევლოთ, ამისთანა შინაური საქმეების მცოდნე დედაკაცს ვერ იპოვნოდი. სშირად მოდიოდნენ სტუმრები, რომ იცოდნენ ამათ სასლში ვეულა მოიპოვებოდა და მაძღრათაც მიდიოდნენ შინა! მრთელს სასლის ინახავდა სუფთად. მართლა და მაღორთისის ქალბატონი იყო.

მხოლოდ ეს იყო იმისი, რომ კაპწიაობა არ უეფარდა, მაინც ის სულ შინ იყო ღ რა საჭირო იყო, მორთულობა, — ამას გარდა, იმდენი საქმე ჰქონდა სახლში, რომ სადა ჰქონდა იმდენი დრო, თავის თავისათვისაც ეფიქრა. რამწევს წამოდგებოდა, იუბკას გადაიცემდა, ტიტველა ფხეხსედ ბაშმაკებს ჩაიცომდა, ღ რა მოიკლება თავის მედიდურს ბეჭსედ ღ მკერდსედ ვაშიმირის შალს, ნაყიდს რომნახის იარსუკაში 1818 წელსა, ჯერ ილოცავდა დილის ლოცვასა, ლოცვის შემდგომს თავის საქმეებს შეუდგებოდა. მერე კეთილი გულისა იყო! რამდენ ნაირი საქმეები ჰქონდა შინაური, როგორ იქნება საქმე წამსდარი კაცმა არსად ნახოს, მაგრამ ერთსელ არცა ვინ გაულანძღავს, არც შემოუკრავს ღ არც ფურები უსრესია, იმისი გინება ეს იყო, „რა უგუნური ხარო! თუ ერთი რამ შემთხვევა არა იუორა სახლში, მრთელი დღე ამ დილის ტანისამოსში ადამებდა. ერთი დავგავიწვდა: თავსედ მოსვეული ჰქონდა შავი თავსე მოსახვევი, ესეც ისე ჰქონდა შაქრის სქელ ქაღალდსედ გაკეთებული, რომ თუნდა აიღებდა ღ თუნდა მოისვევდა დიღით, რომ ჯაფა არ მოსდომნოდა, ეს საღმრთო კანონათა ჰქონდა, რადგანც ტიტველა თავის დანახვება, დიდ ცოდოდ მიაჩნდა. იმას სჯუროდა, რომ ქმრიანი ქალი კაცს შიშველა თავით არ უნდა სხვენებოდა, თორემ ან საქონელი გაუწედებოდა, ან

მოსავალი არ მოუვიდოდა, ან ავანტიურობა დაერქოდა, მრთელს ოჯახობასა, ამისათვის ამ შემთხვევაში დიდოსიბრთხილით იქცეოდა.

როდესაც შეიტყობდა სტუმრები უნდა სწვეოდნენ, მაშინ სულ სხუა ცვლილებას მიიღებდა მრთელი სასილი. უბძანებდა მაშინ ლაქიებისათვის მიეცათ საკუჭნაო-თან ნემენცური ჩექმები და მწვანე მაუდის სერთუკები; ამასთანავე უბძანებდა მოურავს, ეველა თავთავის ალაგს მღვარეუენ; კირილე ზეტროვიჩს გამოუცხადებდა ზირი დაებანა და იმასაც ჩაეცვა რიგიანათ; მურე შეკვდებოდა თავის თავის მორთულობასა. ის ჩაიცვამდა სოლიე ჩითის კაბასა, კანოტის გზავსად შეკერილსა, თავიდან მოიხსნიდა საუკეთესო თავსასვევს და იმის მაგიერ გაიკეთებდა მწვანე ჩუჩიკსა, შეკერილს ვიღაცა მადამასაგან, ნასეიდს აგრეთვე 1818 წელსა სემელნსკის იარმუკასედ.

ის იყო თავის მშობლებისათვის ერთად ერთი ქალი და მრთელი იმათი ქონება სულ იმას წამოვლო მსითევში, მაგრამ თავის მამულს თავისას არ ეძახდა, ყოველთვის ქმარს ეტეოდა, თქუნნი მამულიო, თქუნნი მამულიოთვან კაცი მოვიდაო. ამითი იმას ამტკიცებდა, რომ რადგანც თუ იმ ქმარს ეკუთვნოდა, მრთელი იმისი ქონებაც ქმრისა იყო.

თუმიცა ბევრი შინაური საქმეები ჰქონდა ფენა სტეფანოვნასა, მაგრამ იმდენი დრო კიდევლა რჩებოდა,

რომ ქმართან ლაპარაკში დრო გაეტარებინა, — მხოლოდ ეს იყო მხელი, ქმარი ისე გართული იყო გასუთების კითხვაში, რომ ამისათვის ვინ მოაცლიდა. ხშირად იტეოდა ხოლმე ცოლი ზეწვევებოდა: გასუთები ურჩევნია ჩემს თავსაო, ვინც ეს გასუთები მოიგონა, ასე გული გაუშავდეს, როგორც გული მე მაქვს გამაჟებული. ნეტა ვიცოდე რა შავი ჭირი სწერია იმაში? რასაკვირველია იმაში თუ არ გარეყნა, ღუთის წინააღმდეგი, სიცრუე, სსუა კარგი არა იქნებარაო! არა თქუცნი ჭირიბეთ, თუ ერთი ეძმაკები არ არიან მეგასუთები, საიდან იციან სსუა ქვეყნებში რა ანბავები სვდებაო. ან რა დასაკვირველია რასაცა სწერენო. ჭარმაზონები არიან, რომ ჩუცნი სამღრთო ცოლქმრობის კავშირს არღვევენო.

თითქმის ყოველთვის ზეწვევ დღე ამას ანობდა, ფენა სტეფანოვნა, როდესაც კირილე ზეტროვიჩი ეომებოდა კარლისტებს ისპანიის ტასტისათვის. იმ დღეს, როდესაც ქმარმა თავისი ცოლი შეადარა ძაღლსა, წამლის მიხესით, ფენა სტეფანოვნამ დიდ შეურაცხებად მიიღო ზეწვევას ცრემლით რა მოჰყვა ტირილსა, ამ დროს შევიდა კირილე ზეტროვიჩი.

— რა გატარებს ჩემო გულის თაიგულო? ჭკითხა იმან, რა მხარული სასე შეიცვალა ზეწვევსა.



„მე თითონ მიკვირს რომ ვტირი, ამისათვის რომ ძაღლი თავის ღლეში არ იტირებს.

— ცოტა არ გაწუდა კირილე ჰეტროვიჩმა თითონაც არ იტირა. როგორ თუ ძაღლი? მაგას რას ამბობ ჩემო მტრედო?

„სწორეთ ძაღლი. მე ბ ძაღლი ხომ ერთნი ვართ შენთვის?

— ახ ფენა სტეფანოვნა, მე გვ კითხარი წამალ-  
სედ ბ თქვენ ვერ მისვდით... თუნდა ძაღლს დააღე-  
ვინე მეთქი... ესე იგი... არ ვიცო როგორ ვთ-  
ქნა... თქვენ ვერ გაიგეთ... მე მინდოდა მეთ-  
ქო... რომ თითონ თქვენ დაგელიათ...

„სთქვი რაცა გნებავთ ბ მეკი ასე ვფიქრობ, რომ თქვენს თავში მე ბ ძაღლი ერთი ვართ.

— ახლა რა ვენა რომ თქვენ აგრე ფიქრობთ.

ამ დროს უცებ კირილე ჰეტროვიჩმა დაიუვირა. განა თქვენ არ იცით რომ მე სოლერნიანი ვარ? ახა წაიკითხე ბრუსოვის კალენდარი; ვერ წაიკითხე; იქ ცხადად აღწერილია ჩემი ხასიეთი ბ ჰლანეტი, რომელ-  
შიაც მე დავიბადე; ვეულა დაგარწმუნებს რომ მე სწო-  
რეთ სოლერნიანი ვარ, მე ისეთის თვისების კაცი ვარ, რომ უცებ ავენთები, ისე შუშხუნს დავიწუებ, როგორც აქაუბებული ღვინო; მაგრამ შუშხუნებს ღვინო, მინამ ძაღვი აქნს, მაგრამ რაკი ქაფი დასცხრება, ისევე ისეთი

წენარი ზ მშვიდია როგორც ყოფილა. არა სჯობია  
ჩემო მტრედო. წაიკითხოთ კალენდარი?

„დმერთმა დასწევვლოს სამოქალაქო წერილები,  
რა ჩემი საქმეა.

— სამოქალაქოც არის ზ სადმერთოც, ორივეა  
ჩემო მტრედო. მაგრამ სულ ერთია, მე მხოლოდ მო-  
ველი დავიმტკიცო რომ სოლფერიანი ვარ.

„განა სოლფერიანმა ცოლი უნდა ღანძლოს.

— მეც მაგას ვანბობ რომ თუკი სოლფერიანია,  
ესე იგი განხსნელებული, როგორც მე ზ, რაკი გადაი-  
ვლის განხსნელება, სოლფერიანი მდგომარეობა, მაშინ  
ისკვე დამშვიდდება, დაწენარდება ზ შეინანიებს, თუ რათა  
თქვა ის, რაც არ უნდა ეთქვა. თუნდა ახლავე მხათა  
ვარ მოტევათ ეთხოვო.

„მამ მოტევაბასა მთხოვ?

— ათასჯერ. მე არ მივყარს, თუ ვინმე დამემღუ-  
რა; მეტადრე თქუწნ. რომ უფრო უკეთ დავამშვიდო ზ  
დავარწმუნო, მომეცით ის წამალი დავლიო რამდენიცა  
გსურთ, თქუწნ წინ გამოვცლი ერთიანად.

მართლადაც კეთილს კირილე ჰეტროვიჩის უნდოდა  
დაელია ცოლის სათრისათჳს, თუ ცოლის არ გადაექ-  
ცია ის წამალი ზ შუშა ცარიელი არ შეენახა შკაფში.

ამ სიტყვებსედ ცოლქმარნი გადაეხვივნენ, დაჰკოც-  
ნეს ზ შერიგდნენ კიდევ.



## სსუა და სსუა ამბავი

— აი რას იწყებინან ბაქოდგან: „საფსული აგერ  
 კადის, ზე წარმადგინეთ ჯერ ერთი კაპლი წვიმა არ  
 მოსულა. გასაფსული გრილი იყო, ასე რომ სალამო-  
 თი თბილათ უნდა ჩუკვეცო, თორემ შეგვცვივდებოდა.  
 ახლა ეს საში კვირა არის, რაც მსე გასურებული  
 შეუბრალებლად გეწომს. მრთელი ერთი კვირა ნიავი  
 არსაიდგან ეოფილა. მაგრამ თუცა ძრეელ სიცხე ზე  
 უწვიმობა არის, მაინც სილი სსუა წელიწადებსედ  
 წელს მეტი არის. ადრინდელს წელიწადებსედ წელს  
 უფრო სიმრთელეც მომატებულია ზე სიკუდილი სალ-  
 სში ნაკლები, უფრო უმეტესად ემაწვილებში. სოვი-  
 ერთა ქალები ავამყოფობენ მუცლის ტკივილით, მაგ-  
 რამ ეს უფრო ამისათვის რომ დაშინებულები არიან  
 შარშანდელის სოლერისაგან, მაგრამ სიკუდილით არც  
 ერთი კი არ მომკუდარა, მართალია ერთი კაცი მოკვ-  
 და შეიდის საათის განმავლობაში, მაგრამ იმას ათი  
 კირვანქა ალუხა ეჭაბა სიკუდილის წინათ. დროს ვატა-  
 რებთ წენარა ზე მშვიდობიანათ, კვირაში ორჯერ ბაღში

იკვრის მუხიკა. 19 იულის მოხდა აქ დესპოტური შემთხვევა, ორს ვერსხედ მოძორებით ქალაქითგან შარა გზასხედ იზოფნეს მოკლული მისოფვის ჰრიკასჩიკი, როგორც ჰქქსიმებმა შეამოწმეს, ის იქ არ მოეკლათ. ის მოეკლათ ქალაქში, მეტე გამოეტანათ & დაეკლათ ქალაქ ვარეთ. რადგანც ადგილობრივ სისხლის კვალი ვერ იზოფნეს, მაშინვე ზოლიცინამ მეფაიტონებს მიმართა, ერთი მეფაიტონე ვერ იზოფნეს, რადგანც ქალაქში არ იყო. ბოლოს სოფლათა ჰზოვეს & ფაეტონი რა გაუჩხრიკეს, სისხლიანა უზოფნეს. გუშინდლამდინ მეფაიტონე არა ტელებოდა. გუშინ კი საქმემ სსუა მიმართულება მიიღო, ანბობენ, ვითომც ეს ჰრიკასჩიკი მოუკლავთ სიძურით.

— ჰირველს აგვისტოს ანსის ქალაქში მოვიდა წვიმა, რომელსაცა თან ჩამოსდევდნენ ბაუეები. რეინის კსა გაფენილი იყო ბაუეებით ასე, რომ სალსი ჰირდია უუურებდა ამისთანა იშვიათს & სკვირველს ანბავსა. ფიქრობენ ვითომც, ქარშიშსალს გადმოეტანოს ეს ბაუეები ერთის ჭაობითგან, რომელიცა იმ ქალაქსხედ ასლო არის.

— ექვს აგვისტოს აი რა მომხდარა ნიანოლის ქალაქში: იმ ქალაქში სცსოფრებდა ერთი მოხუცებული ეპისკოპოსი ის კი ფელიჩე რომანო. ადგილობრივად ცსოფრებლებს ეს ბერი მიანხდთ წმინდა ბერად, რო-

მელიცა ახლა გადაიცვალა, ზ რომლის მიხედვით ქალაქში მოხდა აღრეულება. დამარსვის დღეს, განსვენებულის სახლი სავსე იყო ხალხითა. იმ დროს როდესაც სამღუდელონი ქუჩაში შემოსილნი იდგნენ ზ მუზიკას უნდა დაეკრა დასამარსი მარში, დიდნი თუ ზატარანი, დედაკაცნი თუ კაცნი ცდილობდნენ ძალად შევარდნილიყვნენ რომ როგორმე შესებოდნენ წმინდა გვამს. ახლო ქუჩებიც სავსენი იყვნენ ხალხითა. როდესაც გვამი დამკრეს ზ გამოასვენეს, ერთმა ვილაცამ შექნა ვერილი: „საკვირველება მოხდა! სასწაული! ერთს ვილასაც უსინათლოს მოხვდა კუბო ზ თვალები აუსილდაო! ერთი კიდევ დაბადებითგან კოჭლი იყო, ჯოსებიტაც ძლივს დადიოდა, წმინდა გვამს შეესო, მაშინათვე ჯოსები იქით გადაეარა ზ ისე დაიარება, თითქოს თავის დღეში კოჭლი არა ეოფილაო; ერთი კიდევ დაბადებით უენომ, ენა ამოიდგაო. ეს რომ შეიტყო ხალხმა, ზოლიციამ ეს ხალხი ვეღარ შეიძაგრა როდესაც გვამი შეასვენეს სასაულაოზედ, სამნი მოხულნი ვაკვაცნი მისცვიდნენ განსვენებულს, აიტაცეს კუბო კელში ზ ისევე შემოასვენეს ქალაქში. ხალხი ვერიოდა ერთის სმით. წმინდა გვამი უნდა ეკვლესიაში დაიმარსოსო. მოვიდნენ ეკვლესიაში, რომლის ძღუდელს ეუბნებოდნენ, ტრახესი მოეწმინდა ზ სედ დაესვენებინათ გვამი. ძღუდელმა მთავრობას აცნობა, მაგრამ მინამ

ძალას გამოკვანინდა მთავრობა, ხალხმა ტრანჟესი აა-  
ლაგა, ზედ დასვენეს გვამი, რომელიცა გაცარცვეს ზ  
იმისი სამოსელი ნაჭრებად დაიუფეს, როგორც წმინდა-  
ნისა. თუძცა ზოლიცია ჩაგონებდა, რომ სასწაულთ  
მოქმედების დრო გავიდაო, მაგრამ ხალხმა სრულებით  
თავში არ შეუშო, ის კიდევ უყენებდა ზ თან ზარების  
რეკას ატანდა ძალასა, ბოლოს როგორც იყო ზოლი-  
ცია გამოგლიჯა ხალხს კელითგან კუბო ზ დამალეს  
ეკლესიის ოთახში, სადაცა მღუღელი იმოსება. სალა-  
მოდინს ხალხსა ჭქონდა ბრძოლა ზოლიციასთან ზ  
მინამ სამსედრო მთავრობა არ მოეშველა თოფიარადით,  
ეს ხალხი ვერ გაძალეს. როდესაც შუაღამე შეიქნა,  
ზოლიციამ ჩუმათ გაიტანა გვამი სასაფლაოზედ ზ იქ  
მიწას მიბარეს.

— ერთს ომში, გათავების დროს ომისა, ნახეს  
მინდორზედ დაჭრილი სალდათები ევარნენ. ერთი იმათ-  
განი გულ-შეწუსებული, სისხლის მოკლებისაგან, უგრ-  
მნობით იღო, ხოლო სსუა დაჭრილები შემწეობასაც  
ითხოვნენ შევლისას. ამ სალდათებისათვის რომელიცა  
გულ-შეწუსებული ეგდო, თავის ნახალნიკს ეთქო, თუ  
დაიჭრა, თავი მოიკვდარე, აღარ მოგკლამენო. ამ დროს  
მივიდა ერთი ნახალნიკთაგანი ზ ჭკითსა.

— რაო საუვარელო, შენ რაღა დავმართვია?  
ნამისაღდათი სმა ვაკემნდილი იყო.

— გამიგონე ძმაო, მე შენ გეითხავ, სადა ხარ დაჭრილი?

ის მაინც სმას არ იღებდა, ბოლოს მოვიდა ჭექიმი, უნასა ძაჯა, უცემდა. სახე წამოწითლებული ჭქოდა, როგორც საღსა ზ ჯან პრთელსა.

— ადექი ძმაო, ადექი, ეუბნებოდა ჭექიმი. ის მაინც არ ინძრეოდა, ბოლოს დაუძასა ფერძალს მოუტანა წვალი ზ შეასხა, თუძცა წვალიც შეასხეს მაგრამ ის მაინც სმას არ იღებდა.

ამ დროს მოვიდა გენერალი ზ უკამანდა ამ სიტყვით: ფესხედ დადექ! ეს რომ გაიგო სალდათმა მაშინვე ეოჩაღათ ფესხედ წამოსტა.

— რატომ არა დებოდდი ჩემო ძმაო, მე რომ გეუბნებოდდი? ჭკითხა ჭექიმმა.

— ძვედარი გასლდით შენი ჭირიძე, დენერალმა მიბძანა თავი მოიძვედარე, თუ გინდა არ მოგკლანო. მიბძანეთ ავასრულე, ახლა მიბძანეთ ადექიო ზ აი ვდგები თქუწნო აღმატებულებავ!

— ერკენის გუბერნიითგან, სოფლით ინგირიდან აი რას იწერებთან: აკერ რამდენი დღე არის ჩუწნს სოფელში დიდი სიცხეები არის. კიდევ კარგი რომ აქ ბაღები სძირათ არის, რომელნიცა აგრილებენ ჭაერსა, თორემ შენი მტერი იეოს, როგორც ჩუწნი საქმე იქნებოდა. აქაურნი მცხოვრებნი ამ სიცხეს ისე შეჩვე-



უღნი არიან, რომ თითქოს ვერასა გრძნობენო. მრთელი დღე დგანან ცხარე მზის ქვეშა & მკიან ყანებსა; დედაკაცები თავიანთ შვილებით აგრეთვე დადიან მინდვრებსედ & რაც შეუძლიანთ მუშაობენ, აი დღეს სამი თვე იქნება, რაც წვიმა თვალთ არ გვინახავს. ნახევარ იუნისის თვემ განვლო & მრთელმა იულისის თვემაც გაიარა რომ წვიმა სრულებით არა უოფილა.

— ჩუწნი საქართველოს ხალხი მრთელ გულგრილად უუჩრებს მოსავლობას. აკერ რამდენი წელიწადი იქნება ერთმანერთხედ სან სეტყვა გაძლეგს ზიანსა, სან ურძნის სნეულება, სან უწვიმობა & სან ვინ იცის რა, რა ძნელი იქნებოდა ჩუწნის სოფლის სასოგადოებას გამოედო თავს და დაეფუძნა სასოგადოება, რომელსაცა დაეწესებინა ფულის ბანკი, ჰურის მაღაზიები & ამ გვარები. ეს რომ ასე მომხდარიყო, მაშინ ეს შეჭირვება აღარ იქნებოდა, რასაცა ასლა ვხედავთ.

— ერევნითგან იწერებიან სამწუსარო ანბავსა ჰურის მოუსავლობის შესახებ. ჰურის მოუსავლობის მიზეზი ეველგან უწვიმობა არის, მაგრამ რომ დიდძალი ჰური არ გაეტანათ სპარსეთში, სადაცა შიმშილობა არის, კიდევ ასე სიძვირე ჰურისა არ იქნებოდა, მაგრამ დღესაც იქ დიდ ჰურს ესიდებიან, რომლის მიზეზით უფრო & უფრო ძვირდება ერევნის გუბერნიასში ჰური.

— ბერლინში ერთმა ცამეტის წლის უმაწვილმა ვაჭრის შვილმა თავი დაიწყო, იმან დაუტევა ჰატარა ბარათი თავის თავის დასწრობის წინ, სადაცა სწერდა, რომ თავისი სიკუდილის მიხესი იყო ერთი თერთმეტის წლის ჰატარა ქალი, რომელიცა უყვარდა: „რადგანც იმედი სრულებით არა მაქვს, რომ როდისმე შევირთავ ცოლათაო, ამისათვის ისევე სიკუდილი ვირჩიეო. გთხოვთ უკანასკნელად კიდევ ერთი მომიკითხოთ ის ჩემი სიკუდილის მიხესიო“.

— საექიმო აკადემიაში რუსეთში გაუსწნათ ქალეზისათვის საექიმო კურსი, სადაცა ამხადებენ ქალებს ჭექიმებათ, ბებიებათ ჭ სსუა. ამ საგნისათვის დაუდვიათ სუთი ათასი თუმანი, რომლის სარკებლით უნდა სწავლობდნენ ეს ქალები.

— ნიჟნი ნოვგოროდში დამწვარან რამდენიმე სომალდები, საიდანაც გადასულა ოკის მდინარის პირს ჭ ახლა იქ გადამწვარა ბევრი სავაჭრო საქონელი. ანობენ შარალი ერთ ძილიონამდინ არისო. ასი მეტი სომალდი დამწვარა.

— დაღისტანში, გასაფხულსედ მეტის უწვილობით რაც რამ ეანები იყვნენ სრულებით გასმენ; სადაც მთიანი ადგილები იყო, იქ ძრეელ კარგი მოსავალი იყო. ახლა, როგორც იქიდან გვაცნობებენ, იჟლისის თუე არის ჭ დაიწყეს მკა, თუ სოვიერთა მთიანს ალა-

კებში, კარგი მოსაგალი არ მოსულიყო, ფუთი ზური უნდა ასულიყო ერთ მანეთამდინ იქვე ადგილობრივ. სიმიდიც იმედი არის კარგი მოვიდეს. ჩახანში სიმიდს ძრიელ ბევრსა სთესამენ & ძრიელ ბევრი გააქვსთ დადისტანში, სადაცა სიმიინდი თუ ზური საკმაოდ არ მოსდით. დადისტანში ეურბენი ამ წელიწადს, ჭერამი, მსხალი თუ ვაშლი ძრიელ ბევრი მოვიდა.

— ჰარიჟში ამ ახლოს ხანში გამოსცადეს ჰეარით მოვსაურობა ამისი გამკონი ახლა გამოჩენილა ერთი ამირიკანელი მეხანიკი გვარად ღუკანი, ეს მსწავლული მეხანიკი მუცელედ იკრავს დიდს ტომარასა, რომელიცა ვაბერილი არის გასით; კელესხედ & ფესხესხედ გაკეთებული აქეს, თითო წვეილი ფარჩეულისაგან შედგენილი ფრთები, რომლით საითკენაც უნდა, იქით მსარესხედ მიფრინავს. ის რომ აფრინდა ჰარიჟში, დიდხანს დაფრინავდა სსჟა & სსჟა ჰარიჟის ქეჩების თავსუდ.

— ერთს რუსნთის გენერალს, გვარად ჩერნიავსკის, თავის სიკუდილის წინათ ამ ახლოს ხანში, შეუწირავს მთავრობისათვის ექვსი ათასი თუმანი, იმ ზირობით, რომ ამ ფულის სარგებელი მოხმარდეს ქალების განათლებასა.

— კერხში მდინარი 17 იჟლისს ისე ადიდებულა, რომ ძრთული ქალაქის ქეჩები წელით ავსილა & ქეხა

ქუჩა თურმე ნაგებით დადიოდნენ ხალხის მოსარჩენლად დასრობისაგან.

— ერთს ჰირუტეუების მასწავლებელს ნიო-იორკში, უსწავლებია რამდენიმე ათასის ბაყაუებისათვის ერთ სმა-ზედ გალობა. ეს ბაყაუები უნდა გაიგზავნენ ბისტონის ქალაქში, ერთს სახალხო დღესასწაულის დღეს, რომ იქ აცალობონ. იმათ უმხადებენ საკუთარს ჰაუსსა, სა-დაცა უნდა ჩასხან საკალობოდ; მაგრამ თუ კარგად ვერ იგალობა რომელმანმე ბაყაუმა ზ ან აურია სსვების გალობა, მაშინ იმას დაჰკლამენ საჭმელათა.

— ვენაში ერთი ბანკირი არის, ესე იგი დიდი ფულის ჰატრონი, რომლის გვარი არის შზრინგერი ზ რომელმაცა ასესხა ჰარიყის მთავრობას ოთხასი მილიონი ფრანკი. ამ ფულის ფორტით გაგზავნა ჰარიყში ძნელი იყო ზ ამისათვის ბანკირის სახლმა დაიქირავა საკუთრად რკინის გზაზედ ვაღონი ზ იმითი გაისტუმრა. ბანკირის კანტორის წინ მრთელი დღე რამდენიმე კარეტები ტრიალებდნენ. დილითგან მოკიდებული ბანკის მსახურები ეცილებოდნენ ოქროს, ვერცხლსა, ზ ბილეთების ჰაჩკებსა. როდესაც უკანასკნელი ერთი მილიონიც ჩააწევს კარეტებში, ორის ჩინოვნიკით გამგზავრდნენ რკინის გზის სტანციისაკენ. როდესაც აწეობდნენ ამდენს ფულებს ვაგონებში, მაფურებლები ჰირდია ზ გაისტურებული უფურებდნენ ამდენს ფულს, როდესაც

სულ დააწეეს, შეშარტეს თოკებით, დაბეჭდეს & გაისტუმრეს ზირ & ზირ ჰაროეში.

### ანბავი მომსდარი შვეიცარიაში.

ვინც ეოფილა შვეიცარიაში, იმან უნდა იცოდეს, თუ როგორ აკეთებენ ქოხებს, რომელსაცა ეწოდება შალე. ეს არის წმინდა & ფაქიზი სასლი, გაკეთებული მშენიერს მწკანე მინდორსედ, ამისთანა სასლში ეოფლოთუს ინოვნის მკვაზრი მსუქანს & სურნელებიანს ნადებსა, მშენიერს ეველსა & ახალს რძესა.

ამ სასლს ქოხს უწოდებთ, მაგრამ ისეთის სისუფთავით არის გაკეთებული შიგ ოთახები, რომ მნახველს მეტად ესიამოვნება. რომელიც ამ სასლში ჰირველი ოთახები არის, იქ უღვანან ბროხები; მომლელი კაცები უბრალო ოთახებში დგანან. სინათლე შეუდის მრთელს სასლს ბუსრის მილითგან, სადაცა არის სამსარეულო. ქურები არის დადგმული ოთახის შუა გულს; ამ ქურესედ, ჭკრიტგან რკინებითა ჭკიდია დიდი საარაუე ქვაბი, რომელშიაც აკეთებენ ეველსა.

შვეიცარიაში, შიგ & შიგ დიდი ვრცელი მინდვრებია, რომლის ჰატრონებსაც უჭირაფო ეველს თავთა-

ვისი აღვილი, ძროსების სამოვრად, ეველას თავთავისი სახლები აქუს, ეველის გასაკეთებლად ღ რომ ნახოს კაცმა კვირბობით ამ საღისის კრება, კარგ სუფთა საზოგადოებად ესვენება. ამ საზოგადოებაში ჰირველი ღ ჰატოსანი კაცი ის არის, ვინც აკეთებს ეველას, რომელსაცა ჩუწნში უწოდებთ გალანცკის ეველს.

იქ დიდად ჰატოვსა სცემენ ეველის გამკეთებელსა, ამისათვის რომ ის კაცი მკითხაობს კიდევ ღ მკითხავი მდაბიო საღისს დიდად ჭაწამთ, ამასთანავე იცის წამლობა ჰირუტეებისა, დაკარგულს ძროსას იპოვნის, მკელს ჰირს შეუკრავს, რომ თუ ძროსა გარეთ დარჩა დამე, არ შეჭამოს; თუ მოიპარა ვინმემ, შეიტყობს ვისაც მოუპარავს. რადგანაც ეს ოსტატი ეველის გამკეთებლები მოდიან იმ მსრითგან, რომელს მხარესაც ეწოდება გრუვერია, ამისათვის იმ შეველესაც გრუვერიანს ეძახიან, გრუვერიანები მიაჩნიათ იქ ჯადოქართ. იმ მდაბიო საღისსა სწამს რომ, სახლში ზოგი ერთს ალავს ვითომც ალქი ბუღარაობს ღ ამ გვარი ემძაკეულის ვაგდება შეუძლიან გრუვერიანს, ერთი ამ გვარი სექმე, რომ ალქი შეეჩვია ერთს სახლს მოსდა შევიცარიანი, რომელსაცა ახლა უანობ მკითხველსა.

ერთს მდიდარს შევიცარიის მამულის ჰატრონსა ჰეყანდა ერთი მშვენიერი ქალი, დედ-მამანი ძრიელ ამპარტავნებდნენ ამ ქალით ღ თითქმის ტიროდნენ

მოღმე სიხარულით, როდესაც გაიგებდნენ ამის ქებასა; ის ქალი, არა თუ მარტო ლამაზი იყო, ის იყო კეთილის გულისა, მშვიდი ზ შრომის მოყვარე; რასაკვირველია ამისთანა ქალს ბევრნი თავიანთი მცემელნი ხელობელნი ეყოლებოდნენ, მაგრამ ვერც ერთს ვერ გაუბედნა ზ ვერ შეესდნა სიუწარულის თვალთა როსასათვის, რომელიცა ეოველთვის იჯდა დედის კვერდსედ ზ ისმენდა ზოგიერთს დარიკებასა.

როდესაც სამთარი დადგა, მამამ დაუჭირა ასლო სოფლითგან მასწავლებელი ემაწვილი კაცი. ეს მასწავლებელი იყო შვილი ერთის საწყალის ღარიბის დედაკაცისა, რომელსაცა შვილი კარგად გაეზარდნა. ეს ემაწვილი კაცი გონიერი იყო, მაგრამ სიღარიბისა გამო გაუბედავის ხასიეთისა, მაგრამ ლამაზის ხასიათისა კი იყო. მასწავლებელმა ეს ქალი ძრეელ შეიყვარა, მაგრამ როგორც გაებედა ამასედ წარმოეთქო რამე, როგორც ღარიბსა ზ საწყალსა; რომელიცა ჩუმრუმით უყურებდა ზ არ იყო თვალისედ უიმედო ცრემლები გადმოსცვივდებოდა, ქალი ძრეელ კარგათა სწავლობდა ამისათვის, რომ სიუწარულის ალი იმასაც მოედო გულში. ან ერთი, ან მეორე, როგორც გაუბედადნენ, ეთქვათ რამე ერთმანეთისათვის, თუ არ მისცემოდათ შემთხვევა, რომელმაცა გამოათქმევინა ორივეს თავიანთი გულის გრძნობა. რამდენიმე დღე მოუწვევტილთ თოვ-

ლი მოდიოდა; კვირა დღე იყო, რომ მზე სრულებით მიძალული იყო დილით, ზე როდესაც გამოხანათა მზემ თავისი სხივები, მაშინ ოთხკუთხედ თოვლმა ბრწყინვა დაიწყო; ჩუქნი მასწავლებელი, წაუვიდა ეკლესიაში წირვის მოსასმენლად! მრთელი სოფლის ხალხი მოეშურებოდა აგრეთვე წირვასედა, კაცები მიდიოდნენ წინ ზე ბილიკსა ხსნიდნენ, უკან მისდევდნენ ქალები, უმაწვილები ზე სხუანი; თუთან როზა ზე იმისი მშობლებიც იქ მოვიდნენ. როდესაც შინ დაბრუნდნენ რა წირვა გამოვიდა, როზა ზე თავის მასწავლებელი, როგორღაც გზასედა მარტო ორნი დარჩნენ; განკებ თუთანა ქნეს, თუ ისე როგორღაც მოუვიდათ, ეს არ ვიცით. ჰირველად ეს ორნი ჩუმათ მოვიდოდნენ, ბოლოს როდესაც სოფელს გამოსცილდნენ, უმაწვილმა მასწავლებელმა დაიწყო ჩივილი, დამდურება თავის სიღარიბესედა ზე ბოლოს რა გული შეიძავრა, სთქუა.

— იცი რა, როზა? დედა ჩუმი რომ ისე ღარიბი არა ყოფილიყო, ზე მამა-შენი ისე მდიდარი, მაშინ რას ვიქმოდნი?

ქალი რა მაშინათვე მიხვდა, რასედაც ანობდა, არა მიუგორა, მერე თავი რა ჩაჭკიდა, ჩუძის სმით ჭკითხა?

— მაშინ რას იქმოდნი?

— ცოლად შევირთავდი! თანახმა არ განდებოდი? იმან შესედა ნახის ალერსით, რომელიცა ნიშნავდა



თანხმობასა; მასწავლებელს უნდოდა გადაკვეთით შეეტ-  
 უო, თანხმა იყო თუ არა, მაგრამ როსა ვერა ბედაძე  
 ზირ ღ ზირ გასტესოდბ სიუჟარულს; ბოლოს იმდენი  
 ქმნა ემაწვილ-კაცმა, რომ ათქმევინა, რომ ძრეულ კმა-  
 ყოფილი ვიქნები, ეგ სჯექე რომ მოხდესო ღ რაც შე  
 შექმსება, სსუა ქმარს ჩემს დღეში არ შევირთავო. ასე,  
 ამ სახით ნახათ რომ ლაზარაკობდნენ, უცებ ადგა ქა-  
 რი, შეიქმნა ბუქი, ბილიკები დაიფარა თოვლით, ღ  
 ამ ორთა მოსიუჟარულეთა, რამდენიც გზა გავლეს იმ-  
 დენი უფრო აერევათ ბილიკები, იმათ ვეღარ გაარჩიეს,  
 ვეღარც სეები, ვეღარც ჯაგები, გარემო აერიდა იმათ  
 თოვლსა, ბოლოს ცალკე სიცივით, ცალკე დაღალუ-  
 ლებით ისე ქანცი გაუწედა ქალსა, რომ უგრძნობო,  
 გულშეწუსებული დაეცა ერთს ალაგს. მასწავლებელს  
 დაავიწედა თავისი თავი, ის მსოლოდ ფიქრობდა თავის  
 სატროფოსედ. რა ამოდ ცდილობდა მოეყვანა ქალი  
 გრძნობაში ღ ვერა უშველარა, იმან აიყვანა ის კელში  
 ღ შეუდგა გზასა ამ ძვირფასის საუნჯითა. მაღმალე  
 შედგებოდა, დაისვენებდა ღ რა ეშინოდა როსა არ გა-  
 მიეინოსო, მოიხადა თავისი ზალტო ღ წამოასსა ქალ-  
 სა, ბოლოს ქალი მოვიდა გონსა ღ მეტის მეტად  
 იამა, რა იგრძნო ამისთანა სიკეთე ღ გულმტკინეუ-  
 ლება თავისის მასწავლებელის ემაწვილის კაცისა;  
 ისეთს მაღლობის გრძნობაში მოჰიდა, რომ იმ დროს

ქამა შესხედროდა, შეუპოვრად ეტეოდა, ეს ემაწვილი კაცი მრთელ მიუვარს ზ ამისმეტს ვერავის შევირთამო; ამ აზრს თავის მასწავლებელსაც გაუტედა ზ ზირ ზ ზირ უთხრა, მაგრამ ამასთანავე უჩივია, სიფრთხილით მოქცეულიყო, რომ ვერ არავის შეეტეო, იმან აღუთქვა მტკიცედ აღესრულებინა ეს იმისი სურვილი, ქარი ზ ბუქი დამშვიდდა, კარვად ღამე იყო, რომ ძლივს მოაღწიეს შინა. მრთელი სახლობა დიდს შეწუხებაში იყო, როსას დაკარგვასედ ზ როდესაც ნახეს, რასკვირველია გამხიარულდებოდნენ ზ მისესსაც აღარ იკითხავდნენ, რადგანც დარწმუნებულნი იყვნენ, სოფელში დარჩომილან ზ ბუქს დაუძლია მალე მოსვლაო. როსა მეორეს დღეს ველარ ადგა ზ ქვეშაგებში იწვა; მესამეს დღეს წამოდგა ზ ჩვეულებრ შეუდგა სწავლასა. საქმე ისე მიდიოდა, როგორც ადრე.

ემაწვილობის დროში, მეტად ძნელია კაცი თუ ქალი, ისე სიფრთხილით მოიქცეს რომ ვერავინ რა შეუტეოს, დედამ შენიძნა, რომ ერთმანერთს ისინი როგორღაც მეკობრულად ექცვიან, დაუწეო თვალურის დევნა ზ ბოლოს დარწმუნდა, რომ თავის ქალს მეტად უეგარდა მასწავლებელი. იმან გამოჰკითხა თავის ქალს ზ ესეც გულწრფელებით გაუტედა დედას. ქალმა გაბედვით უთხრა, რომ იმისმეტს ის ქმარს ვერ შეირთავდა, თუცა ბევრი უჩივის ტირილით როგორც დე-

დამ, ისე მამამ, დედა დარწმუნებული იყო ქალის გულ-  
კეთილობაზედ & იცოდა, ამითი თუ როგორ უბედუ-  
რებას მიეცემოდა. ბევრს ელაპარაკა მამა, ბევრი არიგა,  
მაგრამ ვერაფერმა ვერ იმოქმედა ემაწვილ ქალზედ.

ერთხელ დაუძახა შვილებს, შემოიკრიბა გარს, დაი-  
ბარა მასწავლებელიც, რომელიცა ძრეულ დატუქსა &  
გააგდო სასლითგან; აძღროს როსა მინდობი იყო  
დედასთან & ეს მასწავლებელი ისე წავიდა გულმოკ-  
ლული თავის სახლში, რომ როსას არცკი გამოსთ-  
ხოვებია. როდესაც სადილზე დასდნენ, როსამ ნახა,  
რომ თავისი სიუჩარულის საგანი იქ აღარ იყო ჩვეუ-  
ლებისამებრ; ის მაშინვე მისვდა & ტირილი დაიწყო;  
ის აუვედრიდა მამას, თუ როგორ ითხოვდა იმ ემაწ-  
ვილს კაცს, რომელიცა ინახავდა ამითი ღარიბს მშო-  
ბელსა; ის აღუწერდა გულმტკიანეულად, თუ რა ეშველე-  
ბოდათ იმ სასტკის სამთარში ან დედას ან შვილს.  
„იმას უუვარდი მე, ანობდა ქალი, & არაოდეს არ გა-  
უბედავს იმას ჩემთვის ეთქუა რამე; მეშინის მამაჲ, რომ  
ამისთანა უსამართლოებამ არ მოაყენოს დემერთმან  
ჩუწნზედ რისსქა თავისი; რომ ჩუწნ ოჯახობას არა  
შეემთხვესრა“. ამ წინასწარ სიტყვებმა შეამწუნეს მო-  
ხუცი, მაკამ იმან დაფარა თავისი შინაგანი გულის  
გრძნობა.

ამ დღიდან როსა მარტო ვეღარ დაიარებოდა

ეკლესიაში, იმას მისდევდა ხოლმე თანა დედა; რასა-  
 კვირველია ძველი მასწავლებელი ეოველთჳს იქ იქნე-  
 ბოდა, თუმცა იმ ეკლესიის მღჳდლის მრევლი არ იყო.  
 იმას ჰქონდა მშენიერი სმა ჰ მღჳდელი ეოველთჳს  
 სთხოვდა ევალობნა წირვის დროს, როზა სიამოვნებით  
 ურს უგდებდა იმის სმასა, იმას უხაროდა ჰ ჰკონებდა  
 რომ ის საკუთრივ იმისათჳს ვალობდა, მაგრამ მაინც  
 ეს ასე იყო, როზა, როდესაც თავდებოდა წირვა ჰ  
 გარეთ გამოდიოდა, ქალებში ჩადებოდა სალანარაკოთ  
 ჰ დიდად უხაროდა, როდესაც აქებდნენ ასალვასდა  
 მკალობელს. დადვა ზაფხული ჰ როზას წინასწარმეტ-  
 უველობამ დაიწყო თავისი მოქმედებაი. დიდი უბედურე-  
 ბა კი არა მომხდარარა; ავით არავინ გამხდარა, არცა  
 ვინ მომკუდარა, არც საქონელი დაკარგულა, მაგრამ  
 მრთელი სახლი სულ ვადარიგ-ვადმირივა, აირიგ-  
 დარივა; მწეემსები ჰ მოჯამაგირები ვადიოდნენ ჰ  
 აღარ დებოდნენ; ვინც დარჩა, იმათაც ლამით მოსვე-  
 ნება არა ჰქონდათ ჰ ვევა ღარწუნდა, რომ თუმცა  
 მრთელი ოჯახობა კეთილის ქცევისა ჰ მლოცველი  
 იყო, მაგრამ ალქი დასახლდა ამ ოჯახში.

პირველად შენიძნეს, რომ როდესაც ვუთანს ღამე  
 მინდორში ვაუშვებდნენ, ვიღაცა იმ ღამეს აჰკრეფავდა,  
 თვლებს დამალავდა, ან კიდევ სუსედ სადმე ჩამოჰკვიდე-  
 ბდა; არ შეიძლებოდა ვაცს ვუიქრა, რომ ეს საქმე ქურღს

ჩაედინა, ამისათვის რომ არაფრისთანა არა იკარგებოდნა. მოჯამაგირეები გაიჭანდნენ ქერს მინდორსედ დასათესავად, მეორეს დღეს ნახამდნენ რომ ქერის მაგირად საცალოში შვრია იყო, მროსებს მინდორსედ რომ გამოუშვებდნენ დილით, ნახავდნენ რომ ბღაფილით შინ შემოცვივდებოდნენ არეულ-დარეულნი; საღამოსედ მროსეი რომ მოვიდოდნენ, ნახავდნენ რომ ვეელანი შქმინებულები იყვნენ, თითქოს მკელი მოსდევთ უკანაო; თითქმის ძალიც მივარდა შინ შემნებული ვეფით. როსა ვეელასედ მეტად იკვირვიდა & როდესაც ძამა-ამასედ იტეოდა რასმეს, ქალი ეტეოდა: „აკი გეუბნებოდი ძამავ“. რამდენიმე დღის შემდგომ ახლა სახლში შეიქნა უწყსოება. ხან ბუხრითვან ცეცხლი, ან შემა გამოვარდებოდა, ხან ქვაბი საჭმლით სავსე შედადგრიდვან ვადმოვარდებოდა, ხან ვუთებს ანუ ზანდუკებს ნახავდნენ რომ ვადმოვარდებული იყო & რაც შიკ იყო მიწასედ ვაბნეული; ღამით მძინარეს საბანსა ხდიდნენ & ნახამდნენ დილით რომ ვარეთ ევდო, თავლის ვარებები, ფარესისა, & სხვა ოთახების ვარები რაც უნდა მაგრა დაეკეტნათ, ნახავდნენ რომ მეორეს დღეს ღია იყო. ბოლოს მროსებმა წველას უკლეს & მერე სრულებით აღარ მოიწველეს; რქე იჭრებოდა & ისე ხდებოდა რომ სულ ერთიან უნდა ვადავლვარათ; მრთელი დღე მუძაობდნენ სახლში, & გროძისას კი ვერას რქე-

ბოდნენ. ზოგჯერ თავლაში, ლელის მაგიერად ნასაუდ-  
 ნენ რომ საქონელს აბრეშუმით თივა ეყარათ, ერთ-  
 ხელ თავლაში, სადაც საქონელი ება ზ საკუჭნაობი,  
 ყაუანი შეიქნა; ცხენებმა აწვიტეს ზ შექნეს ტლინკები;  
 ძროხებმა დაიწვეს ბღავილი ზ სირბილი; როდესაც  
 მივიდნენ სანასავათ, ჭრაქი გამქრალი იყო, ძლივს  
 ცეცხლი იშოვნეს, რომ სამთელი ანთოთ, როცა აან-  
 თეს, ნახეს რომ ცხენები კუდიოვან იუვნენ დაბმულები,  
 ვეულა გაცდა; ბოლოს შემოესმათ ჭყრიოვან ერთი  
 დიდი სარსარი. ღვდელი მოიყვანეს, განათვლინეს ვე-  
 ლა სადგომები, მაგრამ სრულებით ვერა უშველარა;  
 როდესაც შინათკენ მიდიოდა ეს მღჳდელი, ნახეს რომ  
 იმის წინ ლერწამი გაეშალათ ზ გამძლევი კი ვერა-  
 ვინ ნახა. ერთ ღამეს, ესოში რომ სახლის ჰატრონი  
 გამოვიდა, ვიდაცამ უკანოვან ხელი წააულო, თმები  
 მაგრამ დაუჭირა ზ წაუხურსულა: „შენი ცოდოები, რო-  
 გორმე გაისწორე, თორემ უფრო ცუდი მოგიჯაო“. იმან  
 მოიხედა, ბევრს ეძება, მაგრამ ვერავინ დაინახა. იმათს  
 ვეულის გამკეთებელს, რომელიცა იყო ჯადო-ქარი ზ  
 შელოცვა იცოდა, არ იცოდა თუ რა ექნა; თუთან იმა-  
 საც ეშინოდა, ამისათვის რომ ეს ალქი, იმას უფრო  
 ბევრს ოინს მოხდიოდა. იმისის რჩევით, თავლის ზე-  
 მოთ ჩარდახში, ბევრჯელ აწეობდნენ ერბოს, ვეულს,  
 ნაღებს ზ კვერცხებს, განკებ, შეეტოთ ქურდი სომ არ



1872 წელსა.

„ცისკრის“ დაბარება შეიძლება ამ სახით:  
ტფილისში, ადგილობრივ გაუკუგზავნელად თუ გაგზავნით, 8 მანეთი.

რედაქცია იმყოფება კუკიის სიღსუდ, პირზოვეის  
შენობაში, მარტორუსიანის სტამბაში. ქ. ტფილისში.

ვისაც ჟურნალი დააკლდეს ზე თავის დროზედ არ  
მიერთოს, უმორჩილესად ითხოვს რედაქცია, მაშინვე  
აწყნობოს ამ ადრესით:

„ცისკრის“ რედაქტორს ი. კერესელიძეს, ტფილისში.

---

Дозволено Цензурою. 30 сентябрь. 1872 г.